


Bhaibheri re vana Rikukupai

Makore
makumi
nemana



Rakanyorwa ndiani: Edward Hughes
Rakafanidzirwa ne: Janie Forest; Alastair
Paterson

Rakatorwa na: Lyn Doerksen
Rwakashandurwa na: Tendai Mugova
Rakabudiswa na: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2022 Bible for Children, Inc.


Mitero: Une mvumo yekutora nyaya iyi kana
usinganotengesi chete.

1



Mushure mokunge Mwari aburitsa vana
veIsiraeri munyika yeIjipita, Mozisi
akabatsira vanhu kuti varumbidze
Mwari. Akaimba achiti, "Mbiri kuna
Mwari." Akaimba achitenda
Mwari nezvishamiso zvose
zvaakanga aiita.

HALLELUJAH! 
MBIRI KUNA MWARI! 



2



Mazuva matatu akapfura vari murenje. Vanhu vakasvika patsime remvura. Asi Havana kukwanisa kumwa mvura iyi nokuti yakanga ichivava. Panzvimbo yokunamata, vanhu vakatanga


kunyunyuta. Mwari akavanzwira tsitsi achibva aita kuti vakwanise kumwa mvura iyi.

3



Zvichida, vanhu ava vakanyunyuta zvakare vachiti, "KuIjipita kwakanga kuine zvokudya. Asi murenje muno tichafa nenzara." Manheru iwayo, Mwari akatumira shiri dzinonzi huta. Vanhu vakakwanisa kubata shiri idzi.


4



Mangwanani akatevera, Mwari akavatumira chingwa chainzi mana. Nenzira iyi, Mwari akapa vanhu vake zvokudya.


Mangwanani ega ega, chingwa ichi chakanga chakazadza pasi rose.

5




Vanhu vakanga vachetenda kuti Mwari achavapa chingwa ichi mangwanani ega ega. Mwari akavarayira kuti chingwa ichi chinowora, asi vamwe vanhu vakatora chingwa chakawandisa.

6



Zvichidaro, chingwa chezuva rakapfura chavakanga vakachengeta chakawora-asi kwete musi we Sabata. Zuva rechinomwe rakanga rakakosha. Naizvozvo, vanhu vakazorora.


7



Mwari akachengeta vana veIsirareri pavakanga vari murenje. Akavapa zvokudya, mvura yokunwa akavadzimirira kubva kuvavengi vavo.


Zvino maAmareki vakarwa navo asi vana veIsiraeri vakakunda hondo dzavo dzose nokuti Mozisi akanga akabata tsvimbo yaMwari.

8



Mwari akataura kuvana veIsiraeri akati, "Mukateerera inzwi rangu, muchava vana vangu vakakosha." Vanhu vakadavira kuna Mozisi vachiti, "Zvose zvinotaurwa naMwari tichaita." Vakasvika pagomo reSinai vakabva vamirira Mozisi akanga aenda kunosangana naMwari.

9



Mozisi akanga ari mugomo naMwari kwemazuva makumi mana. Mwari akanyora mirayiro ine gumi pamatombo achibva apa Mozisi kuti aende Kunotaridza vanhu kuti akanga achida kuti vararame nenzira yakaita sei.

10

1. "Usanamata vamwe vamwari kunze kwangu."

2. "Usagadzira mifananidzo kana kunamata mifananidzo."

3. "Usareva zita raMwari pasina."

4. "Yeuka zuva reSabata uye uri remekedze."

5. "Kudza baba namai vako."

11

6. "Usauraya."


7. "Usaita upombwe."

8. "Usaba."

9. "Usanyepa."


10. "Usachiva chisiri chako."

12



Vana veIsiraeri vakaita zvakaipa Mozisi paakanga ari mugomo naMwari. Vakatumira Aroni kuti agadzire mhuru yendarama, yokuti vanamate. Mwari naMozisi vakatsamwa nazvo.

13



Mozisi akaona vanhu vachitamba pamberi pemhuru yavakanga vagadzira, achibva adonhedza matombo emirayiro aakanga akabata. Mozisi akava nehasha, achibva aparadza mhuru yavakanga vagadzira. Akauraya varume vakanga vakaipa vainamata mhuru iyi.

14

Mwari vakavapa mamwe matombo emirayiro. Akarayira Mozisi kuti avake imba yokunamata ine fenzi. Vanhu vakanga vachanamata Mwari muimba iyi. Mwari akavatungamira neshongwe yegore uye neshongwe yomoto, zvichitaridza kuti akanga achifamba navo.



15

Vachinge vava kusvika kuKenani, Mozisi akatuma varume gumi navaviri kuti vaende kundotarisa nyika yavakanga vachipiwa naMwari. Varume vose vakaenda vakatenderana kuti yakanga iri nyika yakanaka kwazvo!



16


Asi varume vaviri, Joshua naKarebhu vakatenda kuti nerubatsiro rwaMwari vaikwanisa kuzotonga munyika iyi.



17


Vamwe varume gumi vakatya vanhu vakanga vaine simba vachigara munyika iyi. Vakatya maguta akanga akakombwa nemasvingo makuru. Vakanyunyuta

vachiti, "Hatikwanise kuitora nyika iyi." Vakanga vakanganwa mabasa makuru akanga aitwa naMwari achivabudisa munyika yeIjipita.




18

Vanhu vakateerera zvakanga zvataurwa nevarume gumi vakanga vasina kutenda. Vakachema vachigadzirira kudzokera kunyika yeIjipita. Vakaedza kuuraya Mozisi.



19

Asi Mwari akaponesa Mozisi. Akataura kuvanhu veIsirareri achiti, "Muchatenderera murenje kwemakore makumi nemana. Vana venyu, Karebhu naJoshua ndivo voga vachipinda munyika yamashora."



20

Makore makumi nemana


Nyaya yeshoko raMwari, Bhaiberi

Inowanikwa mu

Ekisodho 15 kusvika Numeri 14

"Mazwi enyu anotipa kuchena."
Mapisarema 119:130

21



12



60

22

Nyaya dze mu Bhaibheri dzinotiwudza zvekushamisa kwaMwari
Musiki wedu uyo anoda kuti umuzive.

Mwari anoziva kuti tese takaita zvakaipa, izvo zvaanoti zvitema.
Mubairo wechitema ndirwo rufu, asi Mwari anokuda kwazvo,
akatuma mwana wake, Jesu, kukufira pamuchinjikwa uye
akatambudziwa nemhaka yako. Jesu akafa akumuka, akadzokera
kumusha kudenga! Kana uchitenda muna Jesu uye ukakumbira
kuregererwa anokuregerera zvitema zvako, Anokuregerera!
Achauya kuzogara mumoyo mako. Achagara mauri. newe ugogara
maari mazuva namazuva.

Kana uchitenda kuti ichi ichokwadi, taura kuna Mwari uchiti
Mudiwa Jesu, ndinotenda kuti ndimi Mwari, uye makauya semunhu
panyika kuzofira zvitema zvangu, uye murikurarama. Huyai mumoyo
mangu mundiregere zvitema zvangu, kuti ndive heupenyu hutsva, uye
nerimwe zuva ndigogara nemi nekusingaperi. Ndibatsirei kuti
ndikuteerereyi, ndirarama semwana wenyu. Amen.

Verengayi Bhaibheri nekutaura ne Mwari mazuva ese. Johane 3:16

23